



□ Veiz Mingzboh Sij Vangz Gyanghmyauz Hoiz

Gouj diemj hai laz, byonghwnz haihoih, cungj dwg doeg vwnzgen (vwnzgen doeg mbouj rox liux), caiq cienz gij vah baihgwnz, gangj daengz baij hong seiz gaeq gaenq haen baez daihsam lo. Ma daengz ranz ninz saek yaep, youh deng hwnqdaej muh haeux daem haeux, gizlawz lij ndaej—hoengq daej guenj daengz Yahlaux ne?!

Seizneix, faen reih bau guh, bienq ndei lo, hoeng Yahlaux youh lingh yousim, boux guhhong mbouj gaeuq. De mbouj hawj Daegsam sij saenq naeuz dwgrengz, mbouj ndaej beng galaeng Daegsam, de rox danghnaeuz bouxbing yaek goq daengz gyaranz couh goq mbouj ndaej guekgya, guekgya mbouj andingh, gyaranz hix bauj mbouj ndaej, cungj dwgrengz neix de souh gaeuq lo. De ndwn hwnjdaej, fwngz moebmoeb diuzhwet gyaengjgyat de, swnhfwngz cug diuz cagndaij ndeu youq gwnz hwet, byaij daengz gok ciengz, gaem fag lienz ndeu naep youq gwnz hwet, gwed faggvah, haebheuj ndaetndet, bae doengh lo. Yienh baijdaez neix caen mizdi lumj bouxlaux Sez Daighn hwnj ciengzciengq hoenx vunzdig! Rumzbaek bongihuhu biengj aekbuh de, ci gaen' gyauej de, de byaij bae vaiqvut, yawj mbouj ok de gaenq dwg mehlaux 80 bi ndeu ne!

Daengz ndaw reih, Yahlaux muenghyawj seiqlengq, ndaw reih gak ranz, mizmbangj gvej nywj, mizmbangj geng reih, mizmbangj dawzcae, nyaengqnyatnyat. Yahlaux sawq—mwh okyienh youq ndaw reih, hawj gij vunz gyae' gyawj haenx doeksaet yat, mbouj iu cix doxdoengz dingz gij hong ndaw fwngz, dinghdingh coh gaiq reih neix muengh bae. Mbouj miz vunz byaij gvaqdaej, hix mbouj miz vunz cam saek coenz vah. Mbouj guhsing yawj yaep ndeu, vunz lai youh hainduj guh gij hong bonjfaenh.

Ngoenz daih'it, yienghyienh cungj dinghdingh guh bae. Yahlaux cawzliux nyaenx mbouj ndaej mbouj dingz ae caixvaih, hix mbouj caeuq vunz gangjavah, de lau hawj vunz lai doeksaet. De baegfofo hix mbouj naengh roengzdaej yietnaiq, cij naenghyung youq dieggaeuq ae' ngab. Miz geij baez youq mbouj onj le, de gyad naengh roengz gwnz namh bae, de nyaenx mbouj ndaej muenghyawj seiqcawq, yawj miz mbouj miz vunz yawjraen yienghceij de baenzneix diuqgah. De mbouj ndaej hawj vunz hojlien de, vihneix naengh youq gwnz namh de hix vad fagliemz ndaw

fwngz de, bued gij nywj seiqhenz, hawj vunz lai laihaeuz de dwg naengh guh hong. Ngoenzneix, vunz lai geij baez dingz hong cimyawj gaiq reih Yahlaux, mbouj miz vunz byaij gvaqdaej, hix mbouj miz vunz dongx saek coenz. Yahlaux daj banringz mbouj dingz dwk guh hong daengz banhaemh ranz laep, lumj vunz san mbinj nei, gvej gij nywj ndaw reih lumj sam buenz mbinj hung nei, de muenghmuengh daeng—ngoenz, youh yawjyawj gaiq reih gvej gvaq nywj neix, gig habhoz soeng gaemz heiq ndeu, yamqdin lumj ndaejhingz ityiengh menhnyetnyet baema.

Song dah lan lumj song duz saecij nei faen youq song mbiengj dou naengh, dinghdingh caj yahlaux maranz. Yahlaux byaij hwnj gwnz mbaekrin, boux cup gaemz ndeu, raen baihnaj din songde cungj miz song dong byuk lwgmaenz iq, fajfwngz raeuzrwdrd. De byaij daengz henz saeuq, biengj facauq yawj, cauq lwgmaenz dumq cug vet congh loq hung ndeu, rox gyoengq dahlan gwn imq le, sim hix onj lo, swhgeij hix vax gaem lwgmaenz ndeu, diemzswdswd gwn lo. Hwnzneix de ninz ndaej ndaek dangqmaz, ranz rongh le cij ndiu.

Lox song dah lan ndei le, Yahlaux youh bae guh reih, de gietsim ngoenzneix aeu guh song boix, beij ngoenzlwenz guh ndaej lai byotbyat di. Daengz ndaw reih, de couh ngaemgyaeuq guhhong. Hix mbouj rox guh ndaej geij lai nanz, de siengj ndwn hwnjdaej ietiet diuz ndokhwet lumj yaek raek nei. Ngamq ndwn hwnjdaej, sawqmwh fatyienh gwnz namh miz song bouxvunz cingq ning' yetyet, gyoengqde gungq hwet, ngaem gyaeuq, buekrengz bang de gvej gij nywj ndaw reih de. Nywj mbouj sang, hoeng vad haenq lai, de yawj mbouj cingcu dwg byawz, cij roxnyinh bakaek ndatfoegfoeg, lumj naeuz deng gijmaz doxgaiq bungqdaemj, ndokhwet hix mbouj iet lo, gijmaz hix mbouj ngeix lo. De ganjgip naenghyung roengzdaej, doenghfwngz guhhong, gij yienghceij de, lumj naeuz lau vunz lai ciengjaeu gij hong de bae nei. Ngoenzneix, nywj reih gvej ndaej benq hung ndeu, nyengh mbouj miz vunz cam vah. Ranz fuemx lo, Yahlaux got rop nywjsauj ndeu, goemq fajnaj mongmeng baema lo. Hwnzneix de ninz mbouj onj, moengzmoengz loengzloengz, cungj roxnyinh ranz gaenq rongh lo, seiqgeng seiz couh caeuxcaeux hwnqdaej, gwn geij aen lwgmaenz ndat, cupcup song dah lan,

youq laj ndaundeiq ronghgywg bae doengh lo.

Yahlaux byaij daengz ndaw reih, ranz gaenq momj lo, ndaw reih de liuh mbouj daengz nauhyied dangqmaz, feizmbaw yubyub yabyab, vunz lai geujfoedfoed, hix mbouj rox daej geij lai boux, mizmbangj cingq coemh nywj, gyoengqvunz wng lumj doxdax beijak gvej nywj, aencae geij gaiq gyaq gaenq dauq haeuq ndang duzvaiz bae dajcae lo. Yahlaux mbouj rox rengz daj gizlawz daej, gingqyienz hai din couh buet, ndaen haeuq ndaw vunz lai bae, couh doenghfwngz guh—hong, baezneix dauq lumj dwg de cingq ciengjaeu gij hong bouxwnq. Mbouj rox dwg laux le fwngz saenq, roxnaeuz dwg ndawsim luenhlab mbouj haeujsim, ngamq guh mbouj geij lai nanz, fagliemz Yahlaux gyod ok, luet ok fwngz fid bae, mbouj naek mbouj mbaeu, moed deng gwnz mbaq bouxvunz baihnaj mbiengjgvaz liz song sam yamq gyae haenx, hwk dwk de ndangsaenz bae. Bouxvunz haenx fwngz iet dauqlaeng gip fagliemz, ndenq gvaqdaej, Yahlaux dinghdingh cimyawj, caen dwg ien' gya doxbungz youq gwnz giuzfaexdog, baihgvaiz baihsuix mbouj dwg roen, Dahfungh neix baenzlawz hix daej lo? Nanz—dauh dwg fangzbaed coi guh, fagliemz youh bienbien moeb youq gwnzndang de, dwg saetfwngz? Dwg bauqwnq? Fanjingq mbouj dwg daegdaengq guh, bae boizlaex ba. Dahfungh youh mbouj dawz haeujsim saek di, riu—nyumnyum, ngauzngauz gyaeuq, naeuz: “Yahlaux, mwngz bouxlaux gaej guh dem lo.” Yahlaux ndawsim raeu—rubrub, ngaemgyaeuq roengzbae baez vad liemz “caz” yienq dwk, sojmiz gij saeh nyapnyuk couh lumj nywj ityiengh cawzbae lo.

Sojmiz gij vunz ndaw reih cungj haeujsim guhhong, bouxboux ngaemgyaeuq, lumj naeuz youq gaiq reih gaeuqgeq neix ngeixnaemj diuz daezmoeg gaeuqgeq ndeu, roxnaeuz dwg naeuz youq gaiq reih ngamq haiok neix ngeixnaemj diuz daezmoeg moq ngamq bungzdaengz haenx, hoeng gij yienghsiengq de, youh lumj dwg cingq yunghsim ra huqbauj gyoengqde gyaepgouz lai bi haenx.

Roegbuguz gwnz bya cingq heuhcumcum, heuh gijmaz ne? Dingq hwnjdaej dwg “guzbu, guzbu……” youh lumj naeuz dwg heuh “najrongh, ginhuz……” Vunz lai mbouj bae gyaepcaz, cij dwg gak boux youq ndawsim ngeixnaemj.

Itcig daengz doeksat faenzcieng mbouj mingz mbouj beg soubit, daezmoeg hix ganj mbouj gib ciuq yaem hoiz roxnaeuz ciuq eiqsei bae hoiz. Yahlaux coenz Vahcuengh neix, ndaw faenzcieng cix gangjmingz lo, “gaej vei”, coenz Vahcuengh neix, caen mizdi gangj mbouj doeng, de ndaej dwg cuswz mbouj miz gijmaz eiqsei, ciuq swzloih daej yawj, aeu gij eiqsei “coh”, hix lumj naeuz ndaej gangjmingz gij cawjdaez bien faenzcieng neix lo. Hoeng, de youh dwg coenz Vahcuengh ndeu, eiqsei dwg “gaej”. “Vei” baudaengz cingzgamj fukcab, cekgej okdaej dwg souhheiq, souhvei, yousim, gwnvei daengj. Aenvih Yahlaux bien faenzcieng neix sij haenx, simcingz fukcab dangqmaz, itseiz ra mbouj ok diuz daezmoeg hab' eiq ndeu, hix mbouj rox baenzlawz nai bouxlaux doekseng youq bi 1900 neix, cijndei cengqgengz yungh coenz Vahcuengh neix guh daez, gou saenq gak cuz beixnuengx ndaej lijgaij.

(3 sat)

